

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U LUKAVCU
Broj: 126-0-Su-26-000 062
Datum: 16.01.2025. godine

STATISTIČKI IZVJEŠTAJ
O POŠTIVANJU OPTIMALNIH I PREDVIDIVIH ROKOVA U
OPĆINSKOM SUDU U LUKAVCU ZA 2025. GODINU

Shodno članu 15. stav 1. Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini, a shodno Odluci o optimalnim i predvidivim rokovima ovog suda, broj 126-0-Su-25-000 046 od 17.01.2025. godine, dostavljamo Vam statistički izvještaj Općinskog suda u Lukavcu o poštivanju optimalnih i predvidivih rokova za 2025. godinu.

1. Statistički izvještaj o poštivanju optimalnih i predvidivih rokova iz CMS-a se dostavljaju u prilogu s obzirom da je isti u pdf formatu.

2. Analizom navedenih pokazatelja utvrđeno je da je u većem broju, po vrsti predmeta, došlo do prekoračenja navedenih predvidivih rokova od ukupno 746 predmeta u sudu: u predmetima izvršnog postupka je došlo do prekoračenja u 335 predmeta, u prekršajnim predmetima je došlo do prekoračenja u 310 predmeta, u vanparničnim predmetima je došlo do prekoračenja u 11 predmeta, u parničnim predmetima je došlo do prekoračenja u 52 predmeta, u predmetima krivičnog postupka došlo je do prekoračenja u 37 predmeta od toga, u predmetima Redovni krivični postupak, prvostepenog krivičnog postupka (Kps) – 11, u predmetima redovnog prvostepenog krivičnog postupka – redovni (K) 26, a u posebnim krivičnim postupcima došlo je do prekoračenja u 1 predmetu – postupak za izdavanje kaznenog naloga. Razlog prekoračenja u navedenim predmetima, od kojih je većina u radu, je kao posljedica velikog broj predmeta kojim su zadužene sudije, intencije da se održe ažurnim svi referati u sudu bez obzira na priliv predmeta u sudu, a što se prvenstveno odnosi na veliki broj predmeta u kojima je nužno hitno postupanje. Smatram da postupanja sudija nije bilo od većeg utjecaja za nepoštivanje navedenih rokova, već je posljedica objektivnih navedenih poteškoća.

Broj neriješenih predmeta na početku izvještajnog perioda iznosi 2510 predmeta, a u toku izvještajnog perioda primljeno je 4132 predmet što ukupno čini 6642 predmeta. Broj riješenih predmeta u optimalnom roku iznosi 932 predmeta, u predvidivom roku 1952 predmeta, od čega sa prekoračenjem predvidivog roka 1235 predmeta, što ukupno iznosi 3187 predmeta. Prosječno trajanje riješenih predmeta iznosi 309 dana a uzimajući u obzir izvještaj iz 2024. godine trajanje riješenih predmeta smanjeno je za 131 dan.

Broj neriješenih predmeta na kraju izvještajnog perioda iznosi 3455 predmeta od čega sa prekoračenjem optimalnog roka u 2188 predmeta i sa navedenim prekoračenjem predvidivog roka u 746 predmeta, dok u 2709 predmeta nije prekoračen predvidivi rok te prosječno trajanje neriješenih predmeta na kraju perioda iznosu 275 dana a za isti period 2024. godine iznosio nje 352 dana što je smanjenje za 77 dana.

Od navedenog broja 2188 predmeta u kojima je došlo do prekoračenja optimalnog roka najviše je došlo do prekoračenja u prekršajnim predmetima u 1322, izvršenje na pokretnim stvarima u 117 predmeta, izvršenja na pokretnim stvarima – vjerodostojna isprava 7 predmeta, izvršenje na novčana potraživanja plata – vjerodostojna isprava 59 predmeta, izvršenje na novčana

potraživanja plata – 403 predmeta, izvršenje na novčana potraživanja - transakcijski račun 1 predmet, izvršenje na novčana potraživanja – transakcijski račun – vjerodostojna isprava 1 predmet, Izvršenje na potraživanja da se preda nepokretnost – 6 predmeta, izvršenje radi ostvarenja nenovčanog potraživanja – sudski penali sa provođenjem izvršenja (izrečenih penala) 9 predmeta, Izvršenje nad nepokretnostima – 40 predmeta, Mal predmeta – 57, radni sporovi – 13, bračni sporovi po tužbi – 10, bračni sporovi po prijedlogu – 1, izdržavanje – 4, obligaciono pravni sporovi – naknada štete - 9, obligaciono pravni sporovi – ugovoreni odnosi - 11, smetanje posjeda – 1, te stvarno pravni sporovi 32.

3. Općinski sud u Lukavcu od samog početka rada, otežano radi zbog nedostatka smještajnih kapaciteta, nedovoljno tehničke opremljenosti i sl., U Toku 2025. godine Općinski sud u Lukavcu je obavljao rad sa 9 sudija sa predsjednicom suda i jednom stručnom saradnicom.

U toku 2025. godine ovaj sud je dobio dva uposlenika i to šefa pisarnice koja je počela sa radom 20.01.2025. godine i sudski izvršitelj koji je počeo sa radom 01.10.2025. godine. Trenutno prema pravilniku o unutrašnjoj organizaciji i sistematizaciji radnih mjesta u Općinskom sudu u Lukavcu, za vršenje poslova i zadataka radnih mjesta u Općinskom sudu u Lukavcu sistematizovan je ukupno 61 izvršilac, čime trenutna popunjenost radnih mjesta iznosi 45 uposlenika ili 73,70 %.

Zaključno sa 31.12.2025. godine ukupan broj neriješenih predmeta (sa Kom. predmetima) iznosi 42,605 predmeta što je pored ostvarene dobre kolektivne norme suda od 108,26%.

4. U predmetima koji nisu riješeni u predvidivim rokovima na pojedinim referatima predsjednica suda zajedno sa šefovima odjeljenja a shodno rasporedu sudija po referatima poduzeće se sve potrebne mjere radi okončanja istih u narednom periodu.

5. U cilju smanjenja predvidivih rokova neophodno je da postupajućeg sudije i stručni saradnici poduzmu dodatne napore u navedenim predmetima u cilju realizacije, odnosno okončanja predmeta u predvidivim rokovima, kako bi navedeni rokovi bili skraćeni, a time i bliži optimalnim rokovima. Međutim, polazeći od činjenice da je od ukupnog broja predmeta došlo do prekoračenja predvidivih rokova u 746 predmeta gdje je bio neočekivan priliv na prekršajnom referatu, a u izvještaju za isti period prošle godine 414 predmeta evidentno je da se navedeni rokovi povećani ali će se u ovoj godini akcenat staviti na rješavanje tih predmeta obzirom da je su svi referati u sudu i ove godine ažurni a što je vidljivo iz statističkog pokazatelja ovog suda za ovu i prethodne godinu.

S poštovanjem,


PREDSJEDNICA SUDA
Enisa Hamić